

ցեն, եթէ հարկ էր երկուց հրովարտականն 'ի միասին ջնջիլ, որպէս պնդեն Յոյնք, Ս. Յարութեան հրովարտակն եւս ջնջեալ է. յայնժամ պարտ էր ամբողջ և անեղծ համարիլ զհրովարտակն Բեթղեհէմի, զի իւրաքանչիւր տեղւոյ մէն մի հրովարտակ ջնջեալ է. ուստի անտեղի է հակառակութիւնն Յունաց, թէ առաջին հրովարտակն եւս ջնջեալ է:

Փոխանորդն Յունաց. Հայեցեալ յիմաստս հրովարտակին մերոյ բացայայտ ծանուցանէ թէ՛ վասն երկոց տեղեաց յորոց վերայ լեալ է խռովութիւնն, ջնջեալ են արձանագրութիւնք երկոց հրովարտականն Հայոց, և 'ի ճեռս նոցա լեալ է հրովարտակս և, երեքն օ\ թուականաւ վասն Տաճարի Ս. Յարութեան, Բեթղեհէմի, և Ձիթենեաց լերին, և չորրորդն օ՛ թուին վասն Համբարձման, որ հաւատարիմ և 'ի վերայ առաջնոյն հիմնեալ հրովարտակն է, յայտնի է թէ՛ երկու հրաման միով իմաստիւք եղեալ է, եւ վերջինս խափանէ զչորութիւն առաջնոյն. օրէնք աշխարհի է, եթէ վասն միոյ խնդրոյ լիցի կրկին հրաման թէ միոյն խակն, և թէ միմեանց հակառակ լիցին, վերջին հրամանն 'ի պատուի է, և ըստ այնմ գործի. ուստի չէ հարկ վերստին կրկնել, բաւական է ջնջումն վերջին հրովարտակին, որով ջնջեալ է և առաջինն: Յայտնի է ամենեցուն թէ մինչեւ 'ի թուականն 1707 և ոչ մի ժամանակ լեռոն Ձիթենեաց սեփհական լեալ է Հայոց, և ոչ ուղիղ համարի պատասխան նոցին, թէ ջնջումն երկրորդ հրովարտակին Համբարձման վասն բառի Ս. Յարութեան է, և ոչ Ձիթենեաց լերին. նախ 'ի հրովարտակին մերոյ բացայայտ գրեալ է թէ՛ վասն Ս. Յարութեան, Բեթղեհէմի և Ձիթենեաց լերին, Հայոց տուեալ երեք հրովարտակքն ջնջեալ են: Երկրորդ յեղծանիլ միոյ հրովարտակին, որ բովանդակէ զերկուս գործս, կարելի՞ է միոյն մնալ և միւսոյն խափանիլ, որ հակառակ է օրինաց և իմաստուն մշտաց: Երրորդ՝ բովանդակ շինութիւնք լերին Ձիթենեաց հակառակ են հրովարտակաց, յորս յեցեալ են Հայք. զի 'ի նոսին հրամայեալ է նորոգել 'ի վերայ նախկին դրից, և զի եղծեալ են հրովարտակքն, խափանեալ են և զորութիւնք նոցին. քննեսցին Հէօճճէթք նախկին Դատաւորի և 'ի նոցանէ յայտնի երեւի թէ հակառակեալ են Հայք